

**PŌLU 'LETRE PLE MI 'LA
 □KPAА TIMOTE NI
 Pōlu 'letre ple mi 'la □kpaа
 Timote ni 'bhe ngblo**

Pōlu -yaa 'waati 'la ba -kaso 'yi Rōmu -wa 'ε ta, 'bhεε- -e 'letre 'lεε- □dia (2 Timote 1.8; 1.16-17; 2.9), 'bhεε- -ya □kpaа Timote ni. 'Bhe bhla 'ε ba, Timote -yaa Efezi -wa 'ε ta. Pōlu 'a □pia 'yee-Timote ni dōō -e nu 'ten -a ma Rōmu (2 Timote 4.9), -amasrōyi, 'yee- Pōlu 'gbu 'kpee ma, -yaa' pε 'tre ta 'ε 'yan bhla 'ε □bhwa gban -wa -din (2 Timote 4.6). 'Yee- Pōlu 'gbu yewoa- 'egloole Mεεzan Zesu Krisi ni, 'bhεla- -zayile, -e -yaa zruwla 'zi Timote 'kpee dōō 'bhe 'e 'kpa -a ma -yaa' pε 'taawogbeya 'ε 'yi.

Pōlu 'a □pia Timote ni dōō 'bhe 'bhe ta -yren 'ε 'yikun-, 'bhεε- 'bhe dō 'egloole 'bhe a 'kpaleya 'ε 'yi (2 Timote 1.3-2.13).

'Bhεε- -ya □pia Timote ni 'ezin- dōō 'bhe blōole bo 'Sewe 'Weŋ mu 'ε 'yi jan mu 'ε ma. -E -jan yεke- do 'kpō 'la □woa -yaa' 'letre □lwa 'ε yi dōō Timote 'yri bo 'bhe 'gbu -za 'le bhla ma mεε daan mu 'ε ma, -e □bwa 'bhεε- ta 'ezin- (2 Timote 2.14-4.5).

'Yee- 'letre 'lεε- 'leyanyre 'ε □nōō, Pōlu -janwoa -a 'gbu ba zayi', 'bhεε- -e Zesu 'yi mu 'ke a 'pubōwli mu □kpaа Timote ni (2 Timote 4.6-22).

Pōlu -o Timote 'pubō- 'zi

¹ 'Mi Pɔlu -o 'ke Zesu Krisi a 'winbowo mi 'le, -Waanbhaa' zru maza ma; 'yee- -Waanbhaa' 'gbu -le bole -yre ma -si 'naza- ɔpia bhaapɛŋ mu ni Zesu Krisi kleza 'ε 'srɔyi.

² 'Ŋ 'yoo- 'lɛtrɛ 'lɛɛ- 'kpa zii' 'e ni Timote, 'bhi -le 'ke 'ŋ 'nɛ 'la 'bhɛ -za sɔ 'ŋ ni 'bhɛ 'le. Bhaa -kɔɔ' Dɛ -Waanbhaa' 'pegee Mɛɛzan Zesu Krisi 'e -dɔɔbo', 'bhɛɛ- 'e 'yɛnkla- -o ma, 'bhɛ 'pegee -o yilabla 'na 'e ni!

Pɔlu -o Timote 'lia zii' bhla ma mɛɛ daan mu 'ε ba zayi'

³ 'Mi -Waanbhaa' 'pubɔ-; 'ŋ 'yoo- -yaa' ye 'ε 'wo zii' 'ŋ 'kpee 'fleele- 'le 'bhii- 'ŋ 'taa- mu 'a ɔkla gɔnɛ- 'la gbɛɛn-. -Bi zi 'pegee -yɛkpa' 'e -za 'laa ni 'ŋ 'kpee 'an 'seri mu 'ε 'yi.

⁴ 'O 'piila- bhla zi 'eke- ma, 'e wisia ɔ gɔnɛ- 'la gbɛɛn-, 'ke 'bhɛ -dwa 'ŋ 'kpee, -e klɛ 'ŋ ni 'bhii- 'mi 'e 'ye 'bhɛɛ- 'ŋ zrukpalaa.

⁵ 'Kpaleya -zeze 'gbu 'la -yoo 'e zru 'ε 'yi, 'bhɛ -za 'laa go 'ŋ 'kpee. 'Bhɛ 'kpaleya -glɔɔn 'ε 'bhɛ -le -yaa 'e -jie Loisi 'pegee 'e nɛɛ Enisi 'yi; 'bhɛɛ- 'ŋ 'kpale- -o -a -yi 'bhii- -o 'kpa gbɛya 'ε -Waanbhaa' 'yi 'bhɛɛ- yɛkɛ- -le 'bhi 'yi 'ezin-.

⁶ 'Bhɛla- -zayi', 'mi 'seri 'la ɔkla -Waanbhaa' ni 'yaa- -za ma 'ke 'mi 'ŋ gbɛkpa 'e ta, 'bhɛɛ- -yee' gbalawoa -glɔɔya' 'la ba, -a 'to 'ke 'bhɛ -glɔɔya' 'ε bo 'e ta.

⁷ -Amasɔyi -Waanbhaa' -kɔɔ' -gbaa Lii 'Wɛŋ 'la ba, 'bhɛ 'laa -kɔɔ' klɛ -gblaannii' 'le, 'duŋ- 'bhɛ -glɔɔya' 'pegee 'soniya, 'bhɛɛ- -zadɔleya -la -naa -kɔɔ' ni.

⁸ 'Bhɛla- -zayile, -yrala' laa dɔɛ 'e ma Mɛɛzan a -jan 'ε 'wole- ma mɛɛ mu ni. 'Mi 'duŋ- 'la 'mi -o

-kaso 'yi -a 'tɔ 'ε -zayi', -yrala' laa dɔle 'e ma 'mi -zayi'. 'Bhi 'pegee 'mi 'o -yrenbhle' 'eke- 'yi -Jan 'Nrale- 'ε -zayi', 'bhεε- -Waanbhaa' -glooya' 'ε ta.

⁹ 'Yee- -Waanbhaa' -le -kɔɔ' -gwa -za 'yi, 'bhεε- 'yele- -kɔɔ' 'siila- dɔɔ -kɔɔ' kle -a 'gbu a mεε mu 'le. 'Duŋ- 'yaa -kɔɔ' gole -za 'yi -kɔɔ' kle za -lrele' mu 'ε ma, -e -kɔɔ' -gwa -za 'yi -a 'gbu -za yeke- 'la 'ledulaa, 'bhe 'pegee -yaa' wlanya 'ε 'mu -la ma. -E -kɔɔ' -gbaa 'bhe wlanya 'ε ba, -kɔɔ' 'pegee Zesu Krisi a 'kpaledomaya 'ε 'yi, 'bhεε- -e 'bhe □kla 'waati 'la ba 'ke yaa 'drunyan klele -li.

¹⁰ -Zɔn -kɔɔ' 'Bhee Mi Zesu Krisi □nwa 'yee- -Waanbhaa' a wlanya 'ε zɔnle mεε mu 'ε ni. -E ga a pe fangan- 'ε 'bhe -gwa 'bhe 'yi, 'bhεε- bole -yre ma -si 'la -dan' 'laa -o 'bhe ma, 'bhεε- 'ke 'bhe 'laa sie -titi, -e 'bhe 'pwela- mɔkpen' 'yre ma kpataakpa -Jan 'Nrale- 'ε 'srɔyi.

¹¹ 'Yee- -Jan 'nrale- 'ε 'yela- wole 'kaama-, 'bhεε- -Waanbhaa' 'mi □kla 'ke -yaa' winbɔwo 'pegee -yaa' mεε mu daan mi 'le.

¹² 'Bhela- -zayi' 'ezin-, 'η 'yoo- 'bhe -yren -gloɔn mu 'lεε- 'bhle zii'; 'duŋ- waa -o 'ke 'η ma -yrala' 'le. -Amasrɔyi 'η 'yrikpale bole -o mεε 'la zan ta, 'η 'bhe zan 'ε dɔ; 'bhεε- 'η 'kpale -o -a -yi 'bhii- dɔɔ -e pe 'la gbekpaa- 'η 'kɔɔ, 'bhe 'senj -o -a ni 'ke -ya -yrekpa' 'bhe ba, 'fɔke 'bhe ge 'tenle- 'drunyan 'leyan 'yi 'ε ma.

¹³ 'Mi 'e -daanna wlan ma -jan mu 'la 'le bhe, -o 'kpa 'e 'kpee kplankplan, 'bhεε- 'taawo -o ta 'e 'kpaleya 'pegee 'sɔniya 'la 'bhe -o 'ka 'pegee Zesu Krisi a 'kpaledomaya 'yi 'bhe 'le.

¹⁴ 'E daangbeyya 'lrele- mu 'la 'srɔɔwoa- bhe, -o 'kpa 'e 'kpee kplankplan Lii 'Wenj 'la -yoo 'e 'yi,

'bhe -glooya' 'e 'le.

¹⁵ 'E 'gbu 'a 'yaango- dɔɔ -Waanbhaa' a mɛɛ mu 'la 'kpen -o *Azi 'kleɛn 'e 'yi, 'mu 'ŋ do -kplɛn ɔ̄twa -a nɔɔ-; Fizeli 'pegee Erimozɛni mu -o 'bhe mɛɛ mu 'e ba.

¹⁶ 'Duŋ- bhaa Mɛɛzan -Waanbhaa' -yaa' wlanya 'e zɔɔn Onezifoɔ 'pegee 'bhe a 'fa -la mu 'e ni. -Amasɔyi -e 'fuu -dwa 'mi ta gbɛ 'e 'kpen ma; 'ali- 'mi 'la 'mi -o -kaso 'yi, -e 'mi 'yelawoa, 'bhe 'laa -yraladɔɛ -a ma.

¹⁷ Drɔɔn', -e bhɔlawoa Rɔmu -wa 'e ta, -e 'mi ziglinna gbɛ 'e 'kpen ma -a zru 'e 'kpen 'le 'sani- -e ge 'tɛnlɛ- 'ŋ ma.

¹⁸ Bhaa -Waanbhaa' 'bhe a wlanya 'e zɔɔn -a ni 'drunyan 'leyan 'yi 'le. -E -za 'wlan mu 'la 'kpen ɔ̄kla 'ŋ ni Efezi -wa 'e ta, 'e 'gbu 'bhe 'yaango- kpataakpa.

2

Mɛɛ klele Zesu Krisi a -srwase' mi wlan 'le

¹ 'Bhi 'ŋ 'nɛ Timote, dɔ 'egloole -lileya 'la -yoo Zesu Krisi 'yi 'bhe 'yi.

² 'Mi 'e -daanna 'kɛla 'le mɛɛ 'srɛ 'yrɛ ma, 'bhe gbɛkpa mɛɛ 'la zan mu -o 'ke mɛɛ wlan mu 'le, 'bhɛɛ- 'ke -o sɔ mɛɛ -bhɛɛke' mu daanle- 'bhe 'le 'ezin- 'mu 'kɔɔ.

³ 'Yaa- pɛ -yɛɛnbhle', 'bhii- Zesu Krisi a -srwase' mi wlan do.

⁴ -Srɛwase' mi 'kɛdo- 'kpɔ 'laa -a 'gbu bɔ 'trɛ ta za mu 'yi, 'ke -ya zi 'bhii- -a -za 'sɔ -a -kunlii 'e 'ni.

⁵ 'Bhɛɛ- 'ke mɛɛ do -o zaabɔ 'zi mɛɛ -bhɛɛke' mu 'le blasanlele -jara 'srɔɔwo zayi', 'ke yaa blasanle

blasan' gbeya 'ton mu 'ε ta, yaa so 'bhe blasanle -jara 'ε 'srɔɔwole.

⁶ 'Bhεε- gbakpa' mi 'la ye -gloo 'ε □woa -yaa' gba 'ε 'yi, 'yele- gba 'ε ta pɛbhaa -lwa mu 'ε kan mi 'le.

⁷ 'N 'yoo- 'kɛla 'wo zii' 'e ni -gε bhe, 'e 'kpeeledan 'bhe ma 'elrele; -amasroyi Mεεzan -Waanbhaa' nu a kɛlɛ 'bheε- 'e -za 'kpen 'yima-.

⁸ Davidi 'nranε- Zesu Krisi a -za 'ε bo 'e 'kpee, 'yele- -bwela gale ba; 'bhii- 'an pε -Jan 'Nrale- 'ε 'bhe -a 'wo 'zi gɔnε- 'la gbεεn-.

⁹ 'N 'yoo- -yrenbhle' zii' 'yee- -Jan 'Nrale- 'ε 'yela- woza 'ε ma, 'bheε- -woo' 'η gbe ta □bwa 'ke piibhe kpɛlɛ- 'le 'bhii- -za 'yoo- kɛ mi do gbεεn- 'Dun- -Waanbhaa' a -Jan 'ε 'bhe 'yirele- laa -o.

¹⁰ 'Bhɛla- -zayi', 'η 'yoo- -za 'kpen 'yikun zii' -Waanbhaa' mεε mu 'la zan mu makwan- 'mu -zayi'; 'kooko- 'mu so gole -za -yi Zesu Krisi 'sroyi, 'bheε- 'tɔbhɔleya 'la -dan' 'laa -o 'bhe ma, -o so 'bhe 'srɔɔwole.

¹¹ -Jan mu 'lεε- 'mu -o 'ke wlan 'le dɔɔ:

«'Ke -kɔɔ' 'gbu -gaa -kɔɔ' 'pegee Zesu Krisi 'le, -kɔɔ' mu 'pegee 'yee- Krisi nu bole -kɔɔ' 'yre ma 'eke- 'yi 'ezin-.

¹² 'Bhεε- 'ke -kɔɔ' -za 'yikwan □ 'yee- 'le, -kɔɔ' mu 'pegee 'yee- nu yaale -yaa' -bhlenḡbeya yaayrε 'ε □nɔɔ.

'Dun- 'ke -kɔɔ' -kɔɔ' -banḡwa -a -yi dɔɔ -kɔɔ' 'laa dɔ, 'yee- nu -a -banḡole -kɔɔ' mu 'yi dɔɔ yaa -kɔɔ' mu dɔ 'ezin-.

¹³ 'Ke -kɔɔ' 'laa bole -kɔɔ' 'liijan- do ta, 'yee- nu bole -a -liijan' do 'kpɔ 'ε ta. -Amasroyi yaa

sɔ -a -liijan' mabɔɔle, 'bhɛɛ- -e zaabɔ -a 'gbu 'lɛ ma.»

-Waanbhaa' a yewonɛ 'lrele- do

¹⁴ Bo -jan 'lɛɛ- 'bhɛ dɔle ma mɛɛ mu 'ɛ 'kpɛn 'kpee, 'bhɛɛ- -a pe -o ni 'e 'sɔwɛɛ- ma -Waanbhaa' -yɛ ma dɔɔ waa sradɔle -jangɔ' mu ta. -Amasɔyi sradɔle 'ɛ 'bhɛ 'laa -za 'kedo- 'kpɔ 'yanwo- mɛɛ ma, 'ke yaa 'e go mɛɛ 'la zan mu -o 'trɔnkpa 'bhɛ -jan mu 'ɛ ɔla 'mu -la 'siele- ba.

¹⁵ Dɔ 'eglɔɔle 'ke 'yee 'gbu zrɔn -Waanbhaa' ni 'bhii- -yaa' yewonɛ 'lrele- 'la -za sɔ a ni 'bhɛ 'le, 'bhɛɛ- yaa klɛ 'e ma -yrala' 'le 'yee- -Waanbhaa' -yɛ ɔla; -yaa' wlan ma -jan 'ɛ daan kplankplan.

¹⁶ 'E 'plenɔgo -balɔ 'yiflɛn mu ma, 'bhɛ 'pegee -jan mu 'la gole -o 'kpaleya zi 'ɛ ma. -Amasɔyi 'woo- bhaama janwo mu 'ɛ -woo 'plenɔgo- yi 'oo yi -Waanbhaa' ma.

¹⁷ -O -liijan' mu 'ɛ -za mu siɛ 'eyɔɔle 'bhii- bhɛ -yɔɔ' bhaaplɛn 'flɛ 'ɛ bhle 'eyɔɔle gɔnɛ- 'la gbɛɛn- 'Bhɛ mɛɛ -glɔɔn mu 'ɛ 'ke mu -le 'ke Imene 'pegee Fileti mu 'le.

¹⁸ -O -gwa gban wlan ma zi 'ɛ ta, 'bhɛɛ- -wa pe dɔɔ gbaa mu bweza 'ɛ gale ba 'bhɛ yi 'ɛ ɔbhwa gban; -o 'bhɛ pelawo zii' bhe, -o mɛɛ -bebe 'yini zii' 'ke -o 'mu go 'kpaleya zi 'ɛ ta.

¹⁹ 'Duɔn- -Waanbhaa' 'fɛgwɛ- gaan -glɔɔla ɔbwa, 'bhɛ 'laa sɔ 'siele -titi; -jan -glɔɔn mu 'lɛɛ- 'mu -la yɔɔndele -o ta dɔɔ: «Mɛɛzan -Waanbhaa' 'gbu -yaa' pɛ mɛɛ mu 'ɛ dɔ.» 'Bhɛ 'pegee: «'Ke mɛɛ 'oo mɛɛ 'la zan 'a ɔpia dɔɔ 'bhɛ -o 'ke -Waanbhaa' a pɛ mɛɛ 'le, 'bhɛ zan 'bhɛ gaan go -za 'yɔɔ- zi 'lii.»

20 'Fε -gbεnε do -la, 'tasa 'ε 'kpen -gloon -le ye: -a 'ke mu laa -o 'ke -can 'pegee piibhε drɔŋ 'le, 'duŋ- -a 'ke mu -o 'ke -yri 'pegee 'trε 'le 'ezin-. -A 'kε mu 'la 'mu -o 'ke -can 'pegee piibhε 'le 'mu -o 'ke -zabla' yi gblaan ta pε mu -la -le, 'bhεε- -a -vin mu 'ε 'mu -o 'ke yikpensee ta pε mu 'le.

21 'Ke mεε 'la zan 'bhε 'bhε 'gbu 'plεŋgwa- 'woo- -za 'trinle- mu 'la bhe -o ma, 'bhεε- -a 'kpee 'fleele- klε. 'Bhε zan nu klεε 'bhii- -can 'tasa mu 'la -o 'mu si -zabla' yi -gbεnε mu ta 'bhε mu gbεεn-. -E nu klεε 'wεŋ, 'bhεε- -ya zan do -kplεn maza -yanwo'; 'bhεε- -a -lεmagaanle -o ye -lrele' 'ε 'kpen -gloon 'wo zayi'.

22 'N 'nε Timote, blasan- -zwanne mu zrubhɔ za -yɔɔ' mu 'ε 'lεε. 'Bhεε- mεε 'la zan mu 'kpen Mεεzan -Waanbhaa' gba -o 'kpee 'fleele- 'le, 'e 'mabεεn- 'mu -la -din, 'bhεε- 'ke 'ka -lεdɔɔleya oo, 'kpaleyaa oo, 'soniya 'pegee yilabla ziglin-.

23 'Duŋ- 'yaa 'e 'lεbɔlε klooya ma -jan mu 'pegee 'truu- ma -jan mu 'yi, -amasrɔyi -woo 'ke gwle 'pɔpε- 'le.

24 'Duŋ- 'bhε 'laa lele 'ke Mεεzan -Waanbhaa' a yewone gwledan. 'Duŋ- klε mεε wlan 'le mɔkpen' ma, 'kee- sɔ mεε mu daanle, 'bhεε- 'kee- sɔ mεε mu a -yɔɔya' 'ε 'yikunle.

25 Mεε 'la zan mu zaabɔ -Waanbhaa' -a yewone 'ε 'lε ma, -e 'sɔ -jan zikpale 'mu ni -a zru -dɔɔ 'le, 'bhεε- -yoo bɔ zi -lrele' ta; -dɔke' yi do ta, -Waanbhaa' nu -a klεε 'bhεε- -zadɔwεε dɔ -o ma, 'bhεε- -o ploɔ -o klεza -yɔɔ' mu 'ε ma, 'bhε 'pegee -woo zru niinaa' 'bhε ba, 'bhεε- -o wlan 'ε dɔ.

26 'Bhε 'yi, -o -yrε ba nu 'kanlε- 'elrele, 'bhεε -o nu gole -Setran' 'la 'bhε a bhee mu -o -kwan 'bhε

zru maza kle zayi' 'mu 'yi.

3

Bhaaplej mu kleza mu 'drunyan 'yan bhla zi

¹ -A 'yaango- dɔɔ 'ke 'drunyan 'leyan yi 'ε
□bhwa -wa -din, 'waati mu 'ε nu klele 'egloole.

² Wlan 'ε ni, bhaaplej mu nu -o 'gbu do -kplen
-la -zadole 'egloole; -waa' -goli' 'flen nu klele, -o
nu -o 'wasowole 'ke -woo 'gbu magbaandε, 'bhεε-
'ke -o -Waanbhaa' 'to siε. -O nu -o yapε mu 'ε
'kafawole, -o nu klele mεε kloo mu 'le; 'bhεε- waa
nu -gasikpale -Waanbhaa' a pε 'wenj mu 'ε 'lεε
-titi.

³ Mεε -yren 'laa nu 'klale- -o ma -titi; -waa nu
mεε mazatole -titi; -o nu mεε 'to 'yɔɔ- 'pelε-. Waa
nu 'solε- -o 'gbu 'yikunle -za 'yɔɔ- klele ma, -o nu
klele 'eyoole, 'bhεε- -za 'wlan kle mu nu klele -o
-sɔɔnnii' mu 'le.

⁴ -O nu -dawli' 'kpale- 'eke- gbε ta 'bhεε- -woo
'eke- -yini'; -o yin ma 'ton nu klele 'waati 'ε
'kpen ba, -o nu -waa' -za 'kpen klele 'ke -o 'gbu
magbaandεlele. 'Bhεε- -o 'gbu 'nrayiza mu nu
'solε- -o ni 'ke 'bhe kan -Waanbhaa' ta.

⁵ -O nu -a klele mεε mu -yre ta 'bhii- -o gbilaan
-Waanbhaa' -lεε, 'duj- -o 'gbu 'kpee waa nu dɔle
-Waanbhaa' a -glooya' 'ε □la. 'E 'plεngo- 'bhe mεε
-gloɔn mu 'ε ma 'egboɔnle.

⁶ 'Woo- mεε mu 'ε 'ke mu ge wlale yretεte 'bhii-
mle mu gbεen- 'fε mu 'ε □la, 'bhεε- -o le fangan-
kle 'ke mu -yini' -waa' -dawli' ma daangbeyā mu
'ε 'le; 'bhe le mu 'ε 'mu -za 'yɔɔ- -gloɔn 'ε 'kpen
-la -kla 'elwale gban -sɔ, 'bhεε- -za 'yɔɔ- kle 'flen
-gloɔn 'ε 'kpen -le -o -lekan'.

7 'Waati oo 'waati, 'woo- le mu 'ε -o -za drεε daan, 'duŋ- waa 'tεnle- -li wlan 'ε dole ma.

8 'Elwaleta -so Zanesi 'pegee Zanbresi -wlenna -Waanbhaa' -lela' janwo mi Moizi ma gɔnε- 'la gbεen-, 'woo- mεε mu 'lεε-, -woo -wlen 'zi wlan 'ε ma 'bhεε- gbεen-; -o nii- 'ε 'siele- -o, 'bhεε- -o 'kpaleya -Waanbhaa' 'yi 'ε 'bhe 'laa -za 'kedo- 'kpo 'yanwo- -o ma.

9 'Duŋ- waa nu bhɔle 'egboonle -o kleza mu 'ε 'yi, -amasroyi mɔkpen' nu -a 'yaangole 'bhii- -woo 'ke -zadɔkle mu 'le, 'bhii- Zanesi 'pegee Zanbresi a pε -za 'ε 'leyaan- gɔnε- 'la gbεen-.

Pɔlu -o Timote □lia zii'

10 'Bhi 'η 'nε Timote, 'bhi 'mi 'an pε daangbeya 'ε ta 'taawoa□, 'bhεε- 'e 'mi a pε 'taawogbeya 'ε □sia. 'Ŋ 'yaa- zan -za mu 'la klele 'yee □kpaa 'η ma 'mu klele 'yi, 'bhεε- 'η 'kpagbeya 'ε Kriisi 'yi oo, 'η zrubakpaaleya oo, 'an 'soniya 'pegee 'an -yren 'yikungbeya 'ε 'yee □kpaa 'η ma 'mu 'kpen 'yi.

11 'Bhεε- -o -yrenkpaa 'mi ta gɔnε- 'la gbεen-, 'bhe 'pegee 'an -yrenbhele' gbeya, 'e 'mu -ya. Waa -yren 'ε -gloɔn 'ε -dela 'kpale- 'mi ta Antiosi 'pegee Ikoniomumu 'bhεε- Lisitri -wa mu 'ε ta εε? 'Bhεε- 'naa -yren 'ε -gloɔn 'ε -dela -yikunle εε? 'Bhεε- 'duŋ- Mεεzan -Waanbhaa' 'mi -gwa -o 'kpen 'yi.

12 'Bhe ya 'ε 'yi, 'ke mεε 'oo mεε 'la zan -a zi 'bhii- -e 'taawo -Waanbhaa' a -lεεgblaanya 'le -o 'pegee Zesu Kriisi 'kpaledomaya 'ε 'yi, -o nu -yrenkpale 'bhe zan ta 'bhεε- klegbeya do 'ε 'yi.

13 'Duŋ- mεε -yɔɔ mu 'ε 'pegee mεε 'la zan mu bakanle laa -o, -o nu gele -za 'yɔɔ- baan' -la

klelele, -o nu mɛɛ mu -yinilɛ, 'bhɛɛ- -o 'woo- mu 'gbu 'yinilɛ 'ezin-.

¹⁴ 'Bhi 'duŋ-, 'e -za 'la -daanna 'bhɛ 'pegee 'e 'kpale- -o -za 'la 'yi, 'e blɔɔle bo 'mu ma 'egloɔle. 'Ya -daanna mɛɛ 'la zan 'kɔɔ, 'e 'gbu 'bhɛ zan dɔ.

¹⁵ -A 'san 'yaa- matrunya ma, -Waanbhaa' a -jan mu 'la 'mu -o yaa' 'Sɛwɛ 'ɛ 'yi, 'e 'mu dɔ. 'Woo- -jan mu 'ɛ sɔ 'e klele- -zadɔ' mi 'le, 'bhɛɛ- 'ke 'yee- □kpa Zesu Krisi 'yi, -o sɔ 'e gole- -za 'yi.

¹⁶ -Jan 'oo -jan mu 'la -woo -Waanbhaa' a 'sɛwɛ 'ɛ 'yi, 'mu -daa Lii 'Wɛŋ 'ɛ 'sɛŋ 'ɛ 'bhɛɛ- ba. 'Bhɛla- -zayi', -woo mɛɛ daanpɛ -lrele' mu 'le, 'bhɛ 'pegee -o wlan dɔ mɛɛ 'yi 'ke -o mɛɛ bɔ zi -lrele' ta, 'bhɛɛ- -o mɛɛ tro 'ke -woo 'e bɔ -lɛdɔɔleya zi 'ɛ ta.

¹⁷ 'Kooko- mɛɛ 'la zan -o 'taawo zii' -Waanbhaa' a zi 'ɛ ta, -a daanle kle -yaa' 'Sɛwɛ 'ɛ 'yi jan 'ɛ 'kpen 'le gbɛ 'ɛ 'kpen ma 'ke -a -leyan' -a ma, 'bhɛɛ- -e sɔ ye wlan 'ɛ 'kpen -gloɔn 'wole.

4

-Waanbhaa' a -Jan 'ɛ 'wole- mɛɛ mu ni

¹ 'Mi -o -jan 'lɛɛ- 'bhɛ 'wo zii' 'e ni fanɣan- ma -Waanbhaa' 'pegee Zesu Krisi 'yɛɛ □la, dɔɔ 'yee- Zesu Krisi -le nu gbaa mu 'pegee mɛɛ -yɛɛ male mu 'kitikanlɛ. 'Bhɛɛ- 'mi -a wo 'zi 'e ni 'ezin- -a 'nuza- 'ɛ 'pegee -yaa' -bhleŋgbeya yaaza 'ɛ 'tɔ 'yi, dɔɔ:

² -Waanbhaa' a -Jan 'ɛ 'wo mɛɛ mu ni, 'ke 'ya 'kwlanwo- -o ma, 'ali- 'kee- -kla 'waati 'lrele- ba oo, 'kee- -kla 'waati 'yɔɔ- ba. -A wo mɛɛ mu 'ɛ ni, 'kooko- 'ke -a wlan -dwa -o -yi, -o sɔ -o zru mabɔɔle, 'ke -o 'ke mu □nia, -o -lɛdɔɔ' zi -lrele'

ta, 'bhεε- -o -lia 'e zrubakpaalele 'waati 'ε 'kpen ba 'ke 'yoo- daan.

³ -Amasroyi 'bhε 'waati -o zan bhole 'bhεε- bhaapleη mu laa nu dole -li -a -la 'ke -woo 'tronkpa- -Waanbhaa' a daangbeyā 'ledoolē 'ε □la. 'Duη- -o 'gbu zru maza mu 'ε ma, -o nu mεε daan mu 'srε 'ke mu -lekpalē 'eke- ta -o -din; 'bhεε- 'ke 'tronkpale -swa -o ni -jan -gloon mu 'la □la, -o nu a pele doo 'mu 'bhεε- 'wo -o ni.

⁴ -O nu -o 'tron mu -liitanle wlan 'ε 'lεε; 'bhεε- 'tronkpale nu 'solē- -o ni bhaama can mu -la □la.

⁵ 'Duη- 'bhi, 'so 'e 'gbu 'yikunle -za 'kpen 'yi, -yren 'yikun, 'yoo- -Jan 'Nrāle- 'la 'wo mi 'le, 'bhε ta ye 'ε 'wo. 'Bhεε- -Waanbhaa' a ye 'ε 'wo 'elrele gbε 'ε 'kpen ma.

Polu -o -a zi janwo 'zi Timote ni

⁶ 'Ke -za □bwa 'mi ta, 'mi 'gbu klele 'ε 'bhii- 'sraka 'ε ta -yi -doo 'le 'bhε 'waati 'ε □bhwa gban; 'bhεε- 'an pε 'trε ta yan bhla 'ε □bhwa -wa -din.

⁷ 'N 'yaan- gwle -lrele' 'ε danlele, 'bhεε- 'mi an blasanle 'ε 'leyaan-; 'bhεε- 'η □bwa 'kpaleya zi 'ε ta 'kee- ge 'tenle- -a -leyanle ma.

⁸ 'Bhela- -zayile, 'η nu -ledoolēya ma -jara 'ε 'srōowolē. Mēēzan Zesu Krisi 'la -yoo 'ke 'kitikan mi -lrele' 'ε 'le, 'bhε nu 'bhε -jara 'ε 'nale- 'η ni 'drunyan 'leyan yi 'ε 'le. 'Duη- yaa nu 'bhε 'nale- 'mi do -kplēn 'kpō ni; mεε 'la zan mu 'kpen 'yrē -o -a 'pwε 'yi 'ε 'lεε 'soniya 'le 'mu zru ba, -e nu 'yee- -jara yēke- do 'kpō 'ε 'nale- 'bhε zan mu 'ε 'kpen ni 'ezin-.

Polu a -jan ηgblo 'wlayrε-

⁹ Do klēn 'kee nu 'tenle- 'η ma blaale-.

10 -Amasroyi, 'tre ta pe mu 'lɛɛ 'flɛn 'ɛ -zayi', Demasi 'ŋ do -kplɛn ɔtwa -a nɔɔ-, 'bhɛɛ- -e -ja Tesaloniki -wa 'ɛ ta. Kresansi -ja Galasi 'klɛɛn 'ɛ 'yi, 'bhɛɛ- Titi -ja Dalimasi 'klɛɛn 'ɛ 'yi.

11 Luki do -kplɛn -le ɔbwa 'ŋ -din. 'E 'nu bhla zi, 'ka 'pegee Maki 'nu 'eke- zi; -amasroyi -e nu bhɔɛ 'ŋ ba 'egbenɛle 'an ye 'ɛ 'wolele.

12 'Ŋ Tisiki 'winbwa- Efɛzi -wa 'ɛ ta.

13 'Bhɛɛ- 'e 'nu bhla 'ɛ zi, 'kan Troasi -wa 'ɛ ta Kaapusi ba; 'bhɛɛ- 'an dɛnɛ- tralape -gbɛnɛ 'la ɔbwa -a nɔɔ- ye nu 'bhɛ 'le 'ŋ ni. 'Sɛwɛ kpo mu 'ɛ 'pegee wi 'flɛ 'sɛwɛ kpo 'la 'klule- -o 'mu -za 'laa 'nilɛ- 'e 'kpee, nu -o 'kpen 'le 'e 'kɔɔ.

14 -Tɔn mi Alezandri yienya 'yɔɔ- -gbɛnɛ -kla 'mi ni. Mɛɛzan -Waanbhaa' -le nu -e -za 'yɔɔ- yɛkɛ- 'la ɔkla 'mi ni, 'bhɛ zigolɛ -a ma.

15 'Bhi 'gbu 'ezin-, 'e 'gbu 'klosikun -a ma 'elrele, -amasroyi -e -zaabwa 'o 'lɛ ma 'o 'wojan- mu 'ɛ 'kpen 'yi.

16 'Ŋ ge gbɛ -lwa 'la ɔwoa -klu ta 'an -za 'ɛ 'yipe yrɛ nɔɔ-, mɛɛ 'kɛdo- 'kpo 'laa dɔɛ 'mi zi ta; -o 'kpen 'ŋ do -kplɛnnɛ' ɔtwa -a nɔɔ-. Bhaa -Waanbhaa' laa -waa' -za 'yɔɔ- mu 'ɛ bɔɛ -klosi 'yi.

17 'Duŋ- Mɛɛzan -Waanbhaa' -le ɔbhwa 'mi ba, 'bhɛɛ- -e fanɔandwa 'mi ta; 'kooko- 'ŋ sɔ -Jan 'Nrɛle- 'ɛ 'wole gbɛ 'ɛ 'kpen ma 'ke 'an -lɛyan' -a ma. 'Bhɛɛ- 'kooko- Zuufu kle mu 'ɛ 'mu 'yee- -Jan 'Nrɛle- 'ɛ ma 'ezin-. 'Bhɛɛ- mɛɛ mu 'la 'kpen 'yaa- zi 'bhii- -woo 'ŋ dɛ, 'ŋ -gwa -o 'kɔɔ; 'bhɛɛ- -e -kla 'bhii- -woo 'ŋ -gwa -jara 'lii.

18 'Mi 'gbu 'a 'yaango- 'bhii- Mɛɛzan -Waanbhaa' nu 'mi golɛ -za 'yɔɔ- 'ɛ 'kpen 'yi,

'bhεε- -e nu 'mi -doo 'wlalε- -yaa' -bhleṅgbeya
yaayre 'ε □nɔɔ lafle' 'yi. 'Yela- -a pe -le 'ke
'tɔbhɔleya 'le -zɔn 'pegee yikpensee ta! Amiina.

Pɔlu a -daṅma' 'pubɔ-

¹⁹ Prisili 'pegee Akilasi, 'bhεε- Onezifoɔ a 'fa -la
mu 'ε 'mu 'pubɔ- 'η ni.

²⁰ Erasiti □bwa Korenti -wa 'ε ta, 'bhεε- 'η
Trofimu gadele 'ε □twa Mileti -wa 'ε ta.

²¹ Do klen 'kee nu -niinii' 'kpa 'waati 'ε 'leε.
Ebulusi 'pegee Pudensi, 'bhεε- Linusi 'pegee Klo-
dia, 'bhεε- -koo' nεεε- mu 'ε 'kpen 'ka 'pubwa-.

²² Bhaa Mεεzan -Waanbhaa' kle 'e 'nii- 'ε ba.
Bhaa -Waanbhaa' -li 'ka 'kpen ma! Amiina.

Mwan
The New Testament in the Mwan language of Côte
d'Ivoire

copyright © 2006 Wycliffe Bible Translators, Inc.

Language: Mwan

Contributor: Wycliffe Bible Translators, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

1220066e-ed9e-5c66-9c3b-435a6575b8da